

T 3224 / 7331.83

FUKIEN 3

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP 19 1947

閩清縣志卷之五

邑令浮梁姚循義斐園氏編輯

選舉

閩清在唐時尚未列為縣故科目僅自宋始歷元明
迄今按籍而稽彬彬可考第數百年間隆替頓殊豈
地運使然歟然地運雖有盛衰而轉移則存乎風教
苟守土者鼓舞而振興之安在古今不相及也舉進

宋科目

皇祐元年已馮京榜

黃植字知幾朝議大夫

蕭

開字忠叔承議郎



制科劉 絳應茂才異等科特

嘉祐八年甲申許將榜

許 將字冲之殿試第一省志載入閩縣實係本邑人狀元坊址石碣尚在縣前街仕現文殿學士見人物傳

治平四年打許安世榜

陳祥道字祐之秘書省正學見儒林傳

熙寧九年丁徐

鐸榜是年詔自第一名以下並試律義斷案賜官印小錄廢明經科

林 忬知博羅縣

林 棟浦城

元豐五年戊午黃裳榜

陳安道字請之祥道之弟宣德郎

元祐六年梓馬

涓榜是年兼詩賦人第一場各五道第

四場各策二道

林 惇舊志無此名

蕭 炳字文叔開之子

紹聖元年甲申

蕭 磐字安國物之弟朝請大夫見人物傳

制科陳 揚詳道弟顯

崇寧二年癸亥端友榜

許 登字公進知

大觀三年己亥安宅榜

林公選字君章朝

政和二年壬寅 傅榜

陳懷古字君明朝請大夫
許 份梅子傳見人物

特奏名林其麟

政和五年札何某榜

陳積中字彥戴賜之子監察御史

特奏名林侃 張希參

陳之遠 林瑄

宣和元年成王 昂榜通志作重和元年 三山志作政和誤

劉 滂字商霖

宣和三年辛何 渙榜

特奏名林繼曉宣之子

建炎二年成李 易榜詔多省額於諸路漕台 數試以建炎移於本州

陳剛中祥道從子 傳見人物

紹興二年壬 張九成榜是舉初復詩 賦仍額試

特奏名陳行中祥道子

紹興五年卯 汪應辰榜

劉 凱滂子 湖 北提刑

葛延年字少格 知惠州

特奏名林 項 陳 瑞

紹興八年戊 黃公度榜是歲免殿試

陳嘉猷字道美 龍泉 主簿

黃 瑜字靜江 倅

紹興十五年丑 劉 章榜是舉復經義通詩 賦論策為三場

特奏名林 宏 林公邁

紹興二十一年 趙 達

葛元鴻 知晉江縣

林 育 光澤丞

紹興二十四年 張孝祥 榜

特奏名 鄭 郊

紹興二十七年 王十朋 榜

特奏名 李三英 易州教授

紹興三十年 梁克家 榜 詩賦並行

蕭德榮 字清夫 宣

武舉 陳正已

林 自字夢錫 知連州 縣志作林 傳見人物 詩

陳和中

陳琦

陳明章 字煥然

隆興元年 未待問榜 是舉經義詩賦 分兩科仍免殿試

劉已立 字宗昂 功郎

特奏名 黃 度 種之孫

乾道二年 蕭國梁 榜

蕭必豫 字伯謙 教授

黃士宏 朝請大夫

乾道五年 鄭 僑 榜

特奏名 陳光宣

乾道八年 黃 定 榜

蕭誠意 字正甫

池 履 字叔大 保昌尉

劉 驥 武舉 字伯揚 已立子

黃景說 字岩老

陳夏卿

淳熙二年未詹 駿榜

林夢英 字叔虎公選之孫寓臨州師法象山之學知武陵縣愛民鉅奸興學作人通判靖州討平舊蠻終秘書丞

林文仲 公選孫寓撫州應官成都漕政事和平蜀人愛之

淳熙四年丁酉太學西優釋褐黃唐 字雍甫第一人太學錄

淳熙八年丑黃 由榜

黃 瑾 字子周度子承議郎 葛有興 字可大

楠 字景善文林郎

特奏名林定國 黃 璫 度之子瑾之兄 陳 貴

淳熙十四年打王 容榜

林伯成 字性之自子 潘子禮 武舉字和中

紹熙元年戊余 復榜

特奏名陳 剛 字謙叔縣志剛字謙叔縣志 葛有成 字可文

陳 侃 上舍釋褐黃舜俞 字咨之

紹熙四年癸 陳亮榜

陳萬頃 字萬應司理 葛有立

開禧元年丑毛自知榜

葛從龍 字澤之者試第二入朝散郎監丞 黃 庸 字功父定弟教授

薛 東 字則之通直郎 陳 愷

嘉定元年戊辰鄭自誠榜 是科及第三人皆福建人

黃燮 字子公 桐子

嘉定四年 韓趙建大榜

特奏名蕭 鑒 字淨之

嘉定七年 柳表 甫榜

陳季林 字藻之

嘉定十年 丁吳 潛榜

黃 學 字歸舜 瑾子

嘉定十三年 庚劉 渭榜

黃師參 字子魯 景說

池 洙 字元魯

徐夢得 字宗說

張 述 字明之

黃起宗 字升之

特奏名鄭瑩 中字清叔

嘉定十六年 蔣重珍榜

鄭德起 字功父 元樞

寶慶二年 丙王會龍榜

黃夢應 知澧州

黃師雍 景說子 傳見人物

朱日炎

紹定二年 丑黃 朴榜

陳薦子 字省翁 知

紹定五年 壬徐元杰榜

葛崇節 字陶翁 廣

池師魯 字通伯

鄭 濬

黃 濤 字長源 寶

三一震字聲道

蕭 消字仲將

釋褐陳 門

端平二年私吳叔告榜

特奏名林師田

林忠清

陳次公

嘉熙二年成周 坦榜

黃 渙字子遠師參

陳振龍 字光用

黃 玠字宜父 辰顯子

林應龍 字叔登

特奏名池伯益

黃師伋

黃師軻 渙弟

林忠清

淳祐元年辛丑徐儼夫榜

特奏名許木炎字景雍

鄭自任字尹之

許 近 字知遠

林志清字子諫

淳祐四年甲辰留夢炎榜

劉坦孫 字貫夫 淳之元孫

特奏名黃汝江

淳祐七年丁未張淵微榜

葛 鑄 字鼎仲

陳福龍 字景雲

特奏名陳應斗 振龍兄

寶祐四年丙辰文天祥榜

張夢高 字起龍

林應昂 字仲虎

景定三年戊子方山京榜

黃文炳

咸淳元年北阮燈炳榜

黃明豐

黃應午

秦季梁

咸淳四年戊辰陳文龍榜

葛天民

咸淳七年辛未張鎮孫榜

許若彭字翁受

陳怒翁

按宋制進士為正奏名開寶三年詔貢士十五年終場者禮部以名聞各賜本科出身自是進士及諸科五舉不中第者皆許殿試出身謂之特奏名以別於正奏之

進士其等亦有五第一等前二名附正奏名五甲之後

授迪功郎第二等京府助教第三等上州文學第四等

六州文學並侯出始出官者祀天後第五等諸州助教止

得勅袍然已出身則不復繫於鄉舉而從進士之班今

考閣清一邑正奏特奏凡有若而人猗歟何其盛也採

風者於此其能無今昔之歎耶循義謹識

薦碑

陳從道授承務郎

元進士

至正八年戊子王宗哲榜

陳珪

按省志載陳珪元進士登至正八年戊子科王宗哲榜文載陳珪明舉人登洪武五年壬子科鄉榜俱稱閩清人未知前後係西人抑或中有錯誤未臆斷姑並存之以俟考訂

明進士

洪武二十一年戊辰任亨泰榜是科進士始立石題名

鄭義秦府

永樂二年甲會啟榜

許容

永樂十六年戊午 騏榜

鄭源

景泰五年甲戌 孫賢榜

謝瑀 傳見人物

弘治十八年丑 顧鼎臣榜

陳銑 知州

隆慶二年戌 羅萬化榜

詹洪基 字子震 雲南會事 母以孝稱 年未五十 歸養 見孝友傳

明舉人

洪武五年子 陳珪

洪武十七年甲子黃維清

鄭義進士

洪武二十六年癸酉林賜榜

曹閏應天知縣

永樂元年癸卯陳用榜

許琮應天中式

永樂六年戊子楊慈榜

鄭收

永樂十五年丁酉李馬榜

陳睿

宣德四年配李蒲榜

趙正上治教諭講授

宣德七年壬子林同榜

余端

正統十二年丁酉陳俊榜

唐鏞保昌訓導

天順三年己卯楊琅榜

鄭文述瑞安訓導

天順六年壬午黃初榜

鄭文欽理劇子文鑑文

謝瑀進士

成化四年子成黃文琳榜

姚志仁婺源教諭

成化十年知黃乾亨榜

劉瑄麻城教諭

成化十三年丁祭清榜

楊禮成弟海知縣

成化十九年陳仁榜

鄭仲達兩浙運判

成化二十二年午林啟榜

謝鐸瑞子嚴州通判

章樓

陳侃東平正

孫錦

弘治二年配傅鼎榜

林鼎黃巖教諭

弘治八年卯宋元翰榜

蕭宗瀛臨府教授

弘治十一年戌林士元榜

陳銑山丑進士

弘治十四年酉張燮榜

葉文浩鉅子道州

弘治十七年子甲黃如金榜

正德二年卯林文俊榜

姚澄恩知明

姚世茶賓州知州

林幹襄州知州

林汝舟景州正

嘉靖三十四年卯黃懋冲榜

詹洪基進士

萬曆元年癸酉 潘榜

陳以見順天中式知定陶縣拮据救荒

萬曆七年卯陳文選榜

詹洪相字子質應

萬曆十年午謝綱榜

詹應宿取擢北新寧令行

萬曆十二年酉李光縉榜

萬曆三十四年丙郭應響榜

吳夢京黔陽知縣

陳光東龍安同知

為辟

萬曆四十年子高崇穀榜

天啟元年酉苑方榜

陳鐘鼎松陽知縣

天啟四年子甲程祥曾榜

鄭騰雲字汝奇桐柏

黃惟復字洞自

王崇正主簿

馬文聰縣丞

詹允吉中書

明歲貢

黃怡

吳德序班

呂宗敬

黃閏

鄭德

謝勝

黃以審

鄭回

洪生經庶

黃璈

林賢瓊州推官

林生常熟知縣

鄭義知縣

黃璣

陳廉

黃銘

林旻

曹閏應天中武

以上俱洪武間貢

韓璠

林春

林聰

陳僖

陳壽

黃福衛經歷

盧原政

鄭完兵馬指揮

以上俱永樂間貢

黃仲

黃銘兵馬指揮丁 永宣府審理正

趙庭

許惠訓導 廖炯

黃中美縣丞

常挺

以上俱宣德間貢

鄭瑄

陳經

許傑

曹鐸

鄭挺教諭

以上俱正統間貢

王激字孔哲已縣知縣有傳

陳珪

陳琿教諭

黃焯

黃文明

詹安

黃際主簿

以上俱景泰間貢

黃韶主簿

黃泰主簿

盧河

張福訓導

陳瀚訓導

何鑑
榮所吏目

呂偉

林祿

葉榮

陳奎府照磨

許寶府照磨上七人天順
間奉例充貢

陳春訓導

黃紀訓導

謝顯縣丞

馬鐸訓導

羅徽訓導

劉孟文縣丞

陳積訓導

周昱

謝瑯訓導

謝玘教諭

以上俱成化間貢

林焯訓導

陳永年訓導

高鑑訓導

蕭璉訓導

金源衛經歷

林叔仁

謝輔

謝仕聲

林炯

裴儀訓導復
姓馬

陳珏通判

倪文耀訓導

以上俱弘治間貢

劉舉教授

林文昌訓導

謝汝潔訓導

陳濬訓導

吳湘芳靜齋徐州
學正有傳

吳正元

謝濬

陳思敬

鄭煜教諭

謝銀引礼舍
人

以上俱正德間貢

陳良鼎字廷器見
風概傳

謝澧永安
知州

鄭炯

謝元生教授

詹文瑛字天成

金英教諭

謝灝 西安訓導

謝昂

林一舉

許梁 教授

黃允盛 教諭

黃宋 教諭

黃杲 訓導

陳思惠 教諭

林一奮 訓導

林誌 都事

吳允賢 教諭

謝渠 縣知

陳良節 教諭

王臯伯 字宗舜 教諭

池一龍 訓導

鄭瀾 懷遠知縣 有傳

鄭應星 訓導

吳允禎

劉焯 訓導 有傳

官世亮 訓導

鄭汝瀚 字可大

黃玠

以上俱嘉靖間貢

陳以見 恩貢 順天中式 有傳 許超宗

葉櫛 徐聞教

許儒宗 訓導

王成伯 字宗明 王府教授

以上俱隆慶間貢

王季芳 訓導

鄭尚學

詹洪相 應天中式

王時泰 字正 寧州

陳瑞錫 坦之子 徐聞知縣

陳資 漳浦訓導

鄭梁 伯和之孫 澠州教授

王尚桐 淮右右長史

林應舉

陳夢梧 元珂之子 澠州教授

池有章 選貢

池起鳳 教授

詹洪肇 字子建 相之弟 永安訓導

周一書 亮之子 清流訓導

黃鳴陽

王希舜 同安訓導

何應奇 詔安訓導

許舟

莫若忠

鄭應機 字用濟 衛鎮

李一多 字汝憲 南寧教授

之曾孫 鄭標 字任球 臨高知縣

曾曜

吳自成字用仁

李一鯤之曾

王國楨

恩貢桂平知縣

詹允吉

字慶雲隆武知縣

詹應泰

字作和泉州教授

詹允楚

字以弘萬曆間由廩生授例入太學授博羅教授

以上俱萬曆間貢

授

陳朝亮

恩貢字穗采瑞之

詹應運連城訓導

謝燾

字子都昌訓導

黃世燿字功顯

以上俱天啟間貢

李時郁

恩貢字文南

林懋材字君華陳以瑞字以書

以上俱崇禎間貢

國朝進士

康熙二十一年戊戌蔡升元榜

謝恩容縣知縣

國朝舉人

順治五年戊子李惟華榜

曹孟權即墨知縣

羅綺太湖知縣

順治十一年甲午熊臣忠榜

黃彩湘鄉知縣

順治十四年丁酉吳孟榜

周皓

王汝欽山陽知縣性中書

康熙十九年庚申補科曾炳榜

謝恩壬戌進士

康熙二十三年甲午邱坦榜

黃元震字俊修

康熙二十六年丁酉蕭弘榜

劉世興字有肅 号畏齋 延平府教授 陞沈邱令 未任卒

康熙三十五子丙余正健榜 林濤字鼎 郡保 定知縣

康熙四十四年酉施鴻綸榜 孫湛字謙 瀘川 号瀘川

康熙五十九年庚謝道承榜 許國字時 定 号金山

乾隆三年戊出科聯榜 陳志樑字俊 仰 号敬 字桂

國朝武舉人

康熙丁酉科楚榜 詹世科邑人 湖廣籍 現任汀 州鎮標右營守備

乾隆辛酉科 黃廷式字俊 斗

以上係武科

羅家錦邑人 由將 材在守備 羅魁家錦孫 世龍 由功加 乾隆 六年署 楓嶺 營守備

國朝武進士

以上俱係本縣人

康熙庚辰科 程佐任

康熙乙未科 林作楫興武衛守備

康熙丁未科 李燦邑人 傳見府志 侯官縣人物傳

國朝武舉人

康熙甲子科 戴名任

康熙丁卯科 張荃 林叢

康熙庚午科 鄭元英

康熙丙子科 賴斌

康熙己卯科

程佐任

庚進士

林經畧

林浣

康熙壬午科

林作楫

林畧

康熙戊子科

鄧華

康熙辛卯科

吳雲漢

李聯登

康熙癸巳科

吳聖涵

李聯飛

黃宸

康熙甲午科

翁若麟

劉柱

康熙丁酉科

陳三才

康熙庚子科

劉奮揚

本姓陳

雍正己酉科

史聖瑞

以上俱外縣人

國朝武進士程佐任林作楫武舉人戴名任等共二十一

名併後開貢士何鼎鉉等二十四名雖係閩清籍貫

實原外縣寄考既未便遺漏又不便並登致茲日後

混淆之弊故特分別註明蓋從邑人之請也

國朝貢生

黃登龍

林琦

姚北

黃登龍

毛高飛 字天和 德化訓導

林瑞麟 煥曾孫

池日懋 字紹猷 副榜

游國登

朱質

詹旭 字既白 康熙壬子選拔 連城教諭

林維城 字汝金 号天宗

鄭文杰 字子超 府學

毛彪翰 号又鵬 長泰訓導 有文集

詹銓 字貞徽 康熙乙酉貢

詹夢協 号起備 康熙丁卯貢 平和訓導

劉若廉

詹桓 字汝建 康熙乙酉貢

胡大用 字則行 晉江訓導

詹潭 字元夫

詹克佐 号鍾湖 康熙未貢

詹履鼎 字翼夫 康熙丁酉貢

以上俱順治康熙間貢

黃色貴 字肇儀

劉士驥 字貽良 若席子恩

劉崇仁 字斯池 号宥軒 拔

鄭巨辰 字月泉 号旗山 文宗子 清流訓導

汪洋 字兆聖

蔡英 字卓子 号枚水 拔任 開原 知縣

許文繡 字而壁

劉士睿 字昭 濬恩

許鳴嶽 字斯聰

以上俱雍正間貢

劉蔚 字文起

林桂 字以攀

許智 字文特 起亮

許大經 字迪五

鄭良佐 字孔弼

劉夢成 字邦宜 乾隆庚申拔

劉沛然 字章霖 蔚之子

孫柱 字奕學 号梧峯 議叙 即用 縣丞

劉士進 字而殷

黃大任 字俊尚

以上俱本縣人

何鼎鉉 恩教授

方學訓 嘉祥 知縣

陳叔成 拔

葉芳蘭

林登僑 萊州 通判

楊鐸

林際會

林鏞

余林標

吳貞起

吳兆甲

張岩

黃健

薛翰

薛士球

陳典

林以祿

鄭邦

鄭芳楷

葉御春

周莊

林國基

涼德發

陳煥

以上俱順治康熙年間貢外縣人

補遺

吳道器

字龍石由原序肄業

孫亨正

字桂峯江南

孫錫

字貴芝田廣東

孫汝潔

字有壺貢生肄業國子監授光祿寺

國朝

毛元吉

字仁仲歲貢任建寧

羅綺

順治戊子科舉人任安慶府太湖縣知縣性

毛高飛

字天羽由歲貢

毛彪翰

字又鵬由歲貢

例監

鄭繼喬

吳世鞏

池文錦

劉槐

字曾友

劉世貴

曾大亨

劉仲梅

盧士弘

劉清

陳繩武

黃述文

蘇殿選

毛氏瞻

方盛世

黃中美

劉大鵬

黃北美

張華國

池肇書

劉仕卓

劉世禮

黃槐

杜維新

孫鴻

字恭士考授州司馬

邱元會

許華國

黃正建

池上鳳

劉廷式

黃中錦

張天蔚

劉植岡

字阜起

郭步雲

毛聖衍

毛于京

張天懷

張培

曾之瑞

毛系健

羅士維

汪必紹

張天威

林玉樹

楊家錦

蕭文鐸

王元振

王廷枝

詹邦光

汪大震

張鳳翔

黃兆善

鄭亦雅

姚世育

孫定國

字祥人

楊國樞

張日新

吏職附

許榮祖

考授正八品

黃國翰

考授未入流

盧祚隆

考授從九品

劉國佐

考授未入流

孫棟

考授正八品

俞成錦

考授從九品

邵昌玉 考授正八品

吳崑 考授正八品

毛翼輝 考授未入流

陳可造 考授未入流

陳世榮 考授未入流

陳廷選 考授未入流

陳聘 考授正九品

陳可達 考授未入流

張天寶 考授正八品

楊勳 考授正八品

甘尚絢 考授未入流

姚廷謨 考授未入流

林光燾 考授從九品

李士拔 考授從九品

林燦 考授正九品

閩清縣志卷之六

邑令浮梁姚循義斐園氏編輯

名宦

宋

史溫 之建學立社設市井置射場表分閭巷界

畫村落陸則布石水則造舟招徠凋瘵給以曠土寬

其租賦樹以室廬因其歲登誨以儲蓄不急之用非

禮之費毋致濫濫秩滿去所有唯琴書所待唯民謠

而已祀名宦

黃琮 字子方莆田人初尉福清邑有盧嶺峭險

百丈琮捐俸以石甃道淳熙間擢知閩清時方興道
藏安撫黃裳令十二縣分歛民錢各數百萬琮獨以
已俸四月輸之改矧同安尋命為福州方田指教官
均量無私閩清人喜其復來歡呼載道琮所守官人
不敢撓漕臺檄攝侯官縣余太宰香火寺倚勢不韜
琮嚴徵之如數乃已特諸司相語曰黃居清廉無比
執拘有餘時有內臣廉訪閩部數干琮以私琮拒不
答會奏事京師每見朝士必以溢惡之言詆琮一日
侍徽宗問汝在閩知屬縣中有賢令否內臣出不意
錯愕失對惟憶琮一人姓名乃極口薦言之即日有

旨召改京官

出長
堅志

元

董 禎 至順中月閩清為政和易清簡恩威兼至
六年流亡多歸之野有新舍學宮丕煥及歿民為立
廟歲時祀之祀名官

蔡嗣宗 由閩縣簿遷閩清戶邑有外寇嗣宗募民
兵却之百姓安堵乃歌曰彼寇來仇兮得吾侯而蒙
休彼寇遠遁兮吾侯錫我室家之無憂祀名官

藍 光 字仲晦臨川人善詩文尤精考古制度嘗
受業吳 澄與危素為同門友元末素入中書薦之

適柔仲謙恭政江西辟光從事以功授南安路知事
轉閩省照磨尋陞檢校閩清歲歉盜起光單騎往諭
賊黨解散遂綜理閩清邑事以廉能稱後以靖亂功
陞行省都事特八郡騷擾陳恭政方事興復光總藩
幕譽塞持正一言不合遂拂衣退會明兵下因家於
閩元亡素復為明太祖侍從官又薦光光謝病不起
深衣幅巾家居教授五十餘載卒年九十有九

明

趙景純 名明以字行閩縣人洪武間以國子生擢
雲南道監察御史言事忤旨同列七人俱棄市太祖

獨奇景純狀貌黜為民乃更名李潛又沈於閩清十
五年會大赦出為閩清學訓導尋攝縣事太宗登
極朝京師擢知上饒縣景純上表乞養母不允在饒
正風俗均賦役察奸蠹息盜賊修學校治橋梁視民
事如家事未及一考卒於官篋僅一金貧無以斂邑
人哀之立廟祀焉 載江西通志

張文可 洪武初任閩清縣丞耿介正直蒞事明決

朱毅 溧陽人永樂間任創建射圃祀名宦

馬能 烏程人天順三年任閩清教諭建儒林坊

魯璵 會稽人天順間任閩清教諭捐俸建西廡
沈源 字文淵湖州人洪武中以御史謫知閩清

以治行聞詔復其官在任興修學校善政
多端民甚德之祀名宦又與元董禎同祀
昭顯廟

余珍 正統間知閩清沙尤寇犯境珍率民兵禦
却之民頌其功祀名宦

左輔 永豐人由御史改任政尚簡易民懷其德
成化四年創建尊經閣於 聖殿南並增
闢射圃詳學校志祀名宦

黃澧 貴溪人成化間任在任九載士歌其政祀
名宦

俞河 滕縣人正德間任閩清教諭有師範諸生
貧不能舉者助之

楊珣 潮陽人正德間任賦平用節民有去思祀
名宦

劉為 安福人正德間知閩清特清戎使者督
郡邑嚴甚里胥畏罪輒以虛名補伍累歲
徵發民甚苦之為至毅然白其不當遣者
閩里始安其居為學問深沉素有涵養聰

訟時或有所怒必退而思之待氣平而後
再聽祀名宦

彭珥

龍泉人嘉靖初知閩清先是邑每歲輸軍
餉於定海衛民病遠涉珥請紬銀代之邑
民便焉嘗建學宮備祭器拓公署創門樓
彼興而無所援

葉春及

字化甫歸善人春及赴公車上書萬餘言
皆切時政當路者目為迂僅署為閩清諭
春及以師道自任群諸生號舍中相與講
發於脯脰無所受諸生事之肅然久之陞

知惠安縣廉明節愛巡撫劉堯誨有所需
春及弗顧也擢賓州知州竟中以他事罷
官去後為再起官至戶部員外郎

楊應曉

亳州人萬曆十二年任創建猴山石壩以
堵上流之水保護民田數十頃至今利賴
民懷其德詳藝文

俞咨龍

馬平人萬曆三十七年任是秋洪水暴發
學宮衙署俱被衝流咨龍次第修建今尚
仍其舊詳藝文

鄧焯

新會人萬曆間任閩清尉廉潔愛民立祠

祀之

王朝卿 萬年人萬曆間任閩清尉築壩為民民德
之

國朝

姜良性

號天子遼陽人貢士順治十七年任良性
鎮靜簡樸居官不異儒素布衣蔬食寸帛
粒粟不問民間訟庭如水閭以隙地日課
蒼頭種菜自給餘可知也於干戈凋殘之
後創建城垣不兩年而告竣民賴安居至
今德之

李兆齡

直隸高邑人貢士康熙四十三年任在任
六載多善政勤課士剔奸弊民歌其德曰
我侯賢不妄民間一個錢去之日囊橐蕭
然士民爭投權以助其行後二子俱登進
士一選詞林咸以為厚德之報云

吳憲儒

河南尉氏人舉人康熙五十年任在任五
載和易近情可親而不可狎鋤奸剔弊勤
於課士凡所經歷之處皆有留題卒於官
民皆慟哭

張兆鳳

號梧坡浙之分水人拔貢雍正二年任兆

鳳初任閩縣八載著有賢聲以行取入部
復補閩清決獄平反悉中吏役不敢欺嘗
修葺學宮創建關帝廟塑文帝像於
奎光閣甫及三年以卓異陞延平知府士
民遠送數十里外

武功附

國朝

鄒應元

由將材於康熙十一年拔補福州城守右
營千總駐防閩清十三年耿逆之變計賺
偽官番著六等一十八員梟首縣治復捐

貲招募鄉勇保固全邑不受賊轄十七年
奉大將軍和碩康親王保題陞福建漳
浦鎮標守備領兵親征恢復永春德化併
漸山東埭萬人洞等一十九寨及海澄金
門廈門等島以功世襲左都督拖沙喇哈
番

人物

梅之人文盛於宋而元明次之諸如許文定父
子之文章政事陳秘書兄弟之理學蕭子岩之
才望皆卓卓可稱道豈山川靈淑之氣磅礴鬱

結蕃數千百年至宋始一洩其奇而後乃寔衰
歟然有盛必有衰有衰亦有盛循環之理宜然
五百年必有名世生意在斯乎意在斯乎予不
無厚望焉作人物志

宋

黃 植字知幾邑人登皇祐二年進士第二人
及第植與同里劉絳友善時號北堂二友至是
與絳同第閩清之登桂籍者實自二人始也知
潮州歲饑不待奏即發粟出賑所全活者無數
監司劾其擅專朝廷察其功而原之尋調汀州

汀民以農桑為業未知向學植親加訓誨又率
民之秀者悉養於黌舍由是人人知奮從調漳
州改朝散大夫官終上柱國乞歸年八十而卒
謚文簡勅葬

許 將字冲元邑人嘉祐八年登進士第一歐
陽修讀其文曰正沂公輩人也調簽書昭慶軍
判官代還通判明州神宗召對除集賢校理同
知禮院編修中書條例自太常丞起改右正言
直舍人院判流內銓皆上特命舉朝榮之初因
綜核無法擬調選人必先南曹次考功吏得緣

文為姦進人又莫敢許將奏罷南曹關公舍以
待來許者士無留難進知制誥契丹來請代地
以兵壓境聘使不敢行將毅然請往命詣密院
閱文書而後行至境居人跨屋棟聚觀南朝狀
元及拜射輒先破的館客蕭禧果以代州為閭
曰界渠未定且往大國分畫將徐曰此事申飭
邊臣足矣何勞遣使禧不能對歸報神宗善之
以知審官西院又直學士院判尚書兵部特河
北保甲陝西河南弓箭社閩楚槍牌手雖有名
籍而按閱無法將一切整攝之進翰林學士權

知開封會治虞蕃訟釋諸生無罪者蔡確舒亶
因陷之逮其父子繫御史府踰月得解黜知蘄
州明年以龍圖閣待制知奉州改揚鄆二州鄆
俗士子喜聚肆以諍官政將至其俗自息久之
民鮮犯法者三圖皆空名為兵部侍郎上疏言
兵略曰措於形勢之內最彰而易知隱於權用
之表最微而難見此天下之至機也是以兵戎
有制名雖不同縱而攝之方而圖之使萬眾猶
一人車馬有數用雖不同合而分之散而斂之
取四方猶跬步制器有度工雖不同左而右之

近而遠之運畧等猶掌幄非天下之至神孰能
與此又條奏八事兵之事有三曰禁兵廂兵民
兵馬之事有三曰養馬市馬牧馬兵器之事有
二曰繕作給用及西方用兵神宗遣近侍問兵
馬之數立具以上尋以龍圖閣直學士知成都
元祐三年再入翰林拜尚書右丞始與執政同
議用張利一張守約領兵及中旨用王文郁姚
兕將復密疏利一不可用言者論其窺伺主意
衝直賣友罷為資政殿學士知定州移揚州大
名會黃河東北二議未決將曰度今之利謂宜

因梁村之口以行東因內黃之口以行北而盡
閉諸口以絕大名諸州之患俟水大至觀故道
足以受之則內黃之口可塞不足以受之則梁
村之口可止兩不能奪各因其自流以待之紹
聖初入為吏部尚書乞依元豐詔定北郊夏至
親祀進左丞中書侍郎章惇蔡卞奏發司馬光
墓哲宗以問將對曰非盛德事復問漢唐誅黨
人故事對曰三代固有之祖宗以來則未之有
本朝治道所以遠過漢唐者以未嘗輒戮大臣
也上皆納之嘗議正夏人罪以涇原近夏而地

廣謀帥尤難乞用章染後染果有功崇寧元年
進門下侍郎金紫光祿大夫撫定鄆鄆州邊臣
欲舉師渡河朝議難之將獨謂外國不可以夾
信而兵機有不可失既已戒其願遂從之未幾
河湟果復捷書至以功轉特進中丞朱諤論其
居政地十年左顧右視見利則回初無定論在
元祐則盡更元豐之所守在紹聖則陰匿元祐
之所為逮至建中尚爾冒居時謂言得其情以
資政殿大學士知河面又降學士知穎昌改觀
文殿奉國軍節度使知大名居六年告老為祐

神觀使卒年七十五贈開府儀同三司謚文定

崇祀鄉賢子份龍圖閣學士

傳載弘
簡錄

陳祥道 字祐之邑人登治平四年進士嘗著
禮書一百五十卷近臣以聞詔尚書給紙筆錄
進除國子監直講官終秘書省正字年七十二
卒賜葬

國朝雍正十三年發帑重修龍江書院祀祥道及弟其暘
於內場別有傳

陳暘 字晉之邑人與兄祥道字祐之皆以禮
樂顯名暘中紹聖賢良科授順昌軍節度推官

徽宗朝進近衛集以勸尊紹述得太學博士改
秘書正字所著樂書貫穿明備趙挺之薦遷太
常丞進駕部員外郎講義司參詳禮樂官與魏
漢津議樂用分二變四清以為五聲十二律
樂之正也二變以變宮為君四聲以黃鐘清為
君樂之靈也夫事以時作固可變而君不可變
太呂夾鐘或可分而黃鐘不可分豈古人所謂
尊無二上之旨哉時論方右漢津絀賜議上独
嘉之進太常少卿禮部侍郎終顯謨閣待制提
舉醴泉觀年六十八祥道元祐中為太常博士

終秘書正字所著禮書一百五十卷與楊樂書

二十卷並行於世卒祀鄉賢

傳載弘
簡錄

蕭 磐 字安國邑人紹聖元年進士官至朝

請大夫權知梧州軍管勾學事兼管勸農軍事

提舉錢鹽課農桑興學校百廢俱舉暇則引諸

儒飲射讀法有古循吏風正休賜紫金魚袋

許 份 字子大將之子崇寧二年進士累官

國史編修政和中簡功臣子牧郡份知鄧州政

尚寬平庭無留訟故人愛服之在鎮四年囹圄

幾空改蔡州郡多盜份痛鉏治不少縱有謀不

軌而榜於途市份即名捕盜官令分兵出上蔡
及南北開戒明賊人莫之測也翌日果獲賊至
猶欠六人則曰必在上蔡明日至矣已而果然
人以為神明尋改揚州上諭云揚州古今名郡
今委卿鏟除蠹弊期月而名矣份因請曰臣聞
應奉司封記花竹凡山林之勝士民之居騷然
無遺地願悉罷去又言維揚一都會而止江都
天長兩縣不足以供經費而秦州之秦興舊屬
邑也願復之又言異時即臣於經賦之外增上
供九萬四千餘斛而民不堪願如政和三年舊

額上皆從之金人再入寇公即日檄一路兵勤
王進討解亳州之圍而漕糧至京畿不絕時諸
路兵入授所至或縱剽掠不聽入州城軍士病
之公大啟城闔至者撫勞而去秋毫無所犯城
闔墮圯公一新之不踰月而功就故金人兩至
中都而維揚之民晏如也遷龍圖閣學士去之
日百姓遮留

陳剛中 字彥孫祥道從子宣德郎安道子也
登建炎二年進士性慷慨敢論事紹興初官迪
功郎上言民力凋瘵請罷冗食去虛文以足國

用遷太府寺丞應詔建議忤秦檜意未幾胡銓以劾檜貶韶州剛中作故賀其行有曰屈膝請和知廟堂禦侮之無策張胆論事喜樞庭經遠之有人又云知無不言願借上方之劍不遇故去聊乘下澤之車檜聞益怒遂與張九成等七人同謫剛中謫知安遠縣士論惜之有詩云同日七人俱去國何時萬里許還家剛中至縣適有嶺寇盡瘁撫定冒瘴而死家貧槩不能歸葬杭州風篁嶺孫問燈紹定五年進士

蕭德藻

字東夫邑人紹興二十一年進士嘗

寧烏程後遂家居焉所居扁山千岩競秀自號千岩老人楊萬里稱之云近世詩人若范石湖之清新尤梁溪之平淡陸放翁之敷腴蕭千岩之工緻余所畏也著有千岩擇稿省志傳載文苑

林夢英

字叔虎邑人朝請大夫公選之孫燈

淳熙二年進士寓臨州師陸象山之學知武陵縣愛民鋤奸興學作人擢靖州通判值舊蠻作亂吳討平之官終秘書丞

林文仲

公選孫興夢英同登淳熙二年進士

寓撫州歷官成都漕政尚和平蜀人愛之

許銳號退齋年九歲即日記數萬言其習舉子業肆筆而成初學聲律隨通春秋其父嘗對客言及會戎於潛之事銳從旁答曰諸侯非有天子之事尚不得出會况會戎乎座客愕然博士黃璧特容於西山平齋之門與當時大忠大雅相交許嚴重自居不輕與人嘗謂人曰吾平生於才學識三字未嘗以識許人及聞銳之才且賢而又高見識遠深器重之乃妻以女一日謂其子曰昔人尚友於古汝曹不出戶限聞見何以自廣今建有朱

學江右有陸學浙有呂學可往從由是諸子各隨其所尚挾策四方既歸則曰汝曹所學云何其子有應之曰諸先生曾閱其文以為可教銳厲聲曰士先器識後文藝一號為文人便無足觀豈吾意哉互閱其文有曰可矣其告詔諸子如此則其胸次可知子潤英德府東衡書院堂長涇潭州準濬塔任郎

黃唐字雍甫淳熙四年丙賜釋第一人授宣教郎兼修國史時光宗不朝上皇怒於小人心考之言稍疎問安之儀唐為員外郎與陳傅

良等及同館生言之疏畧曰壽皇聖帝特諭近
臣曰陛下往在潛邸安穆皇后仙遊陛下尚在
幼冲壽皇聖帝慮乳保之不周每夕必置於臂
而後臥則壽皇之待陛下何其至也今陛下仁
孝天植何為而至此光宗嗣日即過慶元宮朝
謁除考功即時韓侂胄欲謚其父曰忠獻唐不
可改為忠愍復不允議遂致官歸

林學蒙 字正卿一名羽邑人與弟學履字安
卿俱從朱熹學偽學禁起築室龍門菴下講明
性命之旨不求仕進所著有梅塢集行於世黃

幹與李傳道書云向來同學之士今凋零殆盡
閩中則潘謙之林正卿云云大約不過此數人
年來得尊兄并太守陳寺丞相與接續尤覺此
道之不孤也幹嘗為正卿作龍門菴記載藝文
郡志載儒
林傳

黃師雍 字子敬邑人生而勇略過人欽尚氣
節少從黃幹學登寶慶二年進士調楚州官屬
時李全反狀已露師雍密結他部都統時青圖
之謀泄青被殺師雍不為動秩滿朝議賢之以
不往見史彌遠調婺州教授學政以呂祖謙為

法平居慕徐僑有清望僑亦重之至闕累稱其
賢李宗勉在政府力言於宰相喬行簡許以朝
除適師雍以書見行簡勸其歸老行簡不悅請
遂格除知龍溪轉運王伯大上其最宗勉名審
察將至而宗勉卒時相高之密示相親師雍不
顧遷糧料院院與府密通亦不領高之勢浸盜
未有效其姦者博士劉應起首疏論之師雍與
應起首疏論之師雍與應起善故高之疑師雍
連諷御史梅杞攻擊差知興化軍及應起入臺
遷師雍宗正寺簿尋亦拜監察御史首疏削金

淵秩再斥趙綸項容孫史省之復與正言李昂
英侍御章瑛連疏乞竄嵩之帝勒令致仕直
舍人院劉克莊言故事宰臣去國界以貼職詩
守金紫光祿大夫觀文殿學士師雍謂元降御
筆無觀文之命自克莊啓之劾以朋邪顧望失
身犯義免所居官又乞籍嵩之家隸張叔儀皆
從之未幾昂英瑛復劾臨安戶趙興憲及執政
陳韓當緣為孽帝怒鄭棠稟間劾罷昂英瑛師
雍又擊興憲腹心葉間不報棠為周坦葉大有
入臺首劾程公許江萬英潛去之自是師雍孤

立善類日危矣陳垓為監察御史與宋等四人
合謀去師雍會大旱求言年子才李伯玉盧敏
指宋四人合謀去師雍會大旱求言年子才李
伯玉盧敏指宋坦等為起災之由坦等偽為匿
名書誣子才三人師雍於上前發其偽撰之迹
謂匿名書律令所禁不知何由得至御前適敏
玩譽師雍宋指以為黨帝不聰擢左司諫師雍
故與鄭清之同舍厚善然以劾其親劉用行魏
峴清之心不樂坦喜曰吾得所以去之矣遣其
婦日造清之妻曰彼去用行峴乃去丞相之漸

也會帝將拜師雍侍御史清之沮之曰如此臣
不可留乃遷起居舍人兼侍講力丐去清之猶
冀其少貶師雍曰吾欲為令人終不屈數月坦
遂劾罷師雍以直寶文閣奉祠復起為左史改
江西轉使遷禮部侍郎命下卒於官師雍簡淡
寡欲靖厚有守言若不出口而於邪正之辨甚
明故能博采公論當官而行始終愛護名節無
愧師友云卒祀鄉賢公兄弟師及師軻師參師
心師煥楠俱前後登進士時以為載弘簡錄
鄭性之 字信之初名自誠邑人按以侯官籍登進士第

嘉定九年進士第一歷官知贛州改知隆興府
後知建寧府端平元年召為吏部侍郎入對言
陛下大開言路以通壅塞心苟愛君誰不欲言
言不切直何能感動譬如積水久壅一決其勢
必盛其聲必激故言者多則易於取厭言之激
則難於樂受若少有厭倦動於詞色則說論棄
閒或不自知矣又言願陛下明詔百辟滌去舊
污一以清白相師毋招謗議則朝綱肅而國體
尊矣擢左諫議大夫言臺臣交章互詆願陛下
監古今天下安危之變君子小人消長之機公

以處之乃得其當况夫聽言之道宜以事觀果
有關國体有補治道有益立德則言之過激夫
亦何傷彼雖采名我實有益惟虛心納善若決
江河則激者自平矣拜端明殿學士簽書樞密
院事尋知樞密院事兼叅知政事加觀文殿學
士致仕寶祐三年卒謚文定性之少從朱子學
治郡所至務崇教化厚風俗為民去害就利民
有骨肉爭訟曉諭敦切不事刑威著有端平奏
議及與陳均同修宋編備要行於世

宋史恭正
總府志

陳 問 剛中孫也紹定五年進士累官授編

修

黃濤 字源長紹定二年進士初授兵為軍判調淮東判赴台除門下秘書博士時史嵩之當道濤與劉應起刻其久開即府生事要功等語嵩之之偃蹇十年不召後高卒上思其賢召除國子司拜寶文閣學士

明

許琰 永樂二年進士翰林院編修

鄭源 邑人永樂十六年進士歷官員外郎

趙正 邑人宣德四年舉人景泰間授上海

教諭終日坐堂上講授不輟夜則振鐸以警諸生既仕而休及門之士猶念之曰安得如斯人

者以勵後進乎卒祀鄉賢

傳載上海志

謝瑀 字叔和邑人景泰甲戌進士由戶部

主事至廣東布政使致仕瑀在戶曹奉使賑畿

輔饑民全活甚眾為粵藩特廣東高雷廉三部

值用兵征討瑀飛輓芻粟師無匱乏而民不擾

以廉能著聲性忠厚坦直治家有法嚴而能睦

卒祀鄉賢

王激 字孔哲邑人景泰間歲進士授邑縣

知縣為政慈祥節儉清廉愛民卒之日啟其篋
蕭然無一錢存已人哀之爭為經紀其喪事立
廟以祀并送其柩歸葬於閩

林鼎 邑人弘治己酉舉人授黃岩教諭久
任善教作人為多

吳湘 號靜齋邑人正德間歲進士初授景
寧教諭造士有方士林重之時撫按交章論薦
遂擢徐州學正朝夕講授不懈不怠嘉靖八年
致仕歸里當道僚友及諸生等爭賦詩以贈其
行卒祀名宦補遺鄉賢

王臯伯 字宗舜士和之子嘉靖間歲貢授南
陵訓導陞鄆縣教諭雅善書畫

陳良鼎 字廷器邑人嘉靖初貢入太學十七
年章聖太后崩世宗將南巡奉以合葬顯陵公
卿台諫靜坐莫敢發良鼎曰唐邨模宋陳東歐
陽徹何人哉即上疏言乘輿南幸自百官宮嬪
及御前衛盡從郡縣除道修橋梁築行宮飭厨
傳所過境內文武將吏當朝行在送往迎來以
億萬計非所以子養元元計安社稷也臣聞河
南北及湖廣諸處頻年水旱民朝夕告急有司

聞天子臨幸已預徵來歲租賦為不時之需百姓皆賣兒牛產以應追繫愁苦宜勅二三大臣奉梓宮而南不宜犯霜露勞玉体以損民貲財疏入下詔獄杖之擬戍極邊會駐蹕真定行宮火扈卒過江潭多墜死者世宗念良禹言釋為民授縣尉尋罷歸年八十種秫讀書以終老隆慶改元錄用言事諸臣時良禹已老矣有司上其事未命而卒祀鄉賢

謝 濂 邑人嘉靖間歲貢西安訓導經明行修勤於課士青矜之士翕然頌之見衢州府志

鄭 瀾 邑人嘉靖間歲貢授懷遠縣知縣勤於學問多識典故人爭以博洽稱之

劉 煒 邑人嘉靖間歲貢任訓導鄉黨稱孝友居有闡

詹洪基 字子震號星岩隆慶戊辰進士初授中書舍人歷戶部員外遷刑部郎中尋擢雲南觀察使僉事著有能聲洪基溫恭樂易與人交坦夷出肺腑其事毋至孝旦夕不忍離左右年未五十遂上疏乞終養既得請以奉菽水為歡杜門三十餘年先業未嘗長尺寸孝友之行洵

無間言年八十三卒於家見郡志孝友傳

陳以見 邑人以貢應京兆試中萬歷癸酉順

天舉人授定陶知縣值歲饑拮据賑濟民賴全

活擢青州司馬

詹應運 號起唐天啟甲子歲貢授連城司訓

東鐸九載后官清正喜為貧士出力後遷廣西

義寧令廉惠並著今祀連城名宦

國朝

詹士龍 號非潛邑人少即從戎曾隨都督胡

世英撫流民克吳逆兩次征川復勦夏賊康熙

十八年胡鎮守彝陵授以忠信校尉進秩武德
將軍後以老乞休士龍歷官一十六載清風兩
袖竟不克回閩遂家於楚之彝陵焉

鄭文杰 字子超號海岩由郡庠克康熙庚辰
年歲貢文行推重一時知名士俱從遊其門著
有學庸說克有功後學子匡宸貢現任清流訓
導

毛元吉 號仁仲由歲貢任建寧訓導訓士有
方士咸稱碩著有文集後致仕歸沈遊航終老
焉

羅綺 順治戊子舉人任太湖知縣賦性慈
祥通縣稱為羅菩薩建祠以頌其德

恩榮

人有厚德天必報之不於其身必於其子孫而
孔子論士之孝亦以顯親揚名為大故

朝廷有優詔下頒必上達其所生匪特廣推錫類
之仁夫亦謂有是父有是子也龍章寵貴宗族
稱之鄉黨榮之膺斯典者豈易易歟作恩榮志

宋

許遂 邑人宋狀元許將曾祖父也紹聖四

年丁丑閏二月壬寅以曾孫將特進尚書左丞
正議大夫中書侍郎追贈遂為太師崇國公
許仁祚 將祖父也同日以孫將貴追贈仁祚
為太師越國公
許奕 將父也同日以子將貴追贈奕太師
越國公

明

詹文瑞 號對峰邑人洪基之父也於隆慶六
年七月十四日以子洪基貴追贈文瑞為徵仕
郎中書舍人又於萬曆六年四月初十日以子

洪基陞授雲南觀察使又加贈文瑞為奉直大夫

國朝

劉仲蕃 邑人雍正元年以子世興任延平府教授賜贈文林郎

詹德傳 號克丞邑人世科之父也於乾隆二年三月初六日以孫世科貴賜贈德傳為武德將軍

詹鴻猷 號韋崖邑生負居家孝友四世同居年逾旬於乾隆元年恩給八品頂帶

孝義

匹夫為善可化一鄉况孝子不墮永錫爾類尤
亟宜褒予者乎至於周急好施同居共爨與夫
一切興修義舉皆可以風世此孝友睦婣任卹
先王所以列之六行也錄美揚徽無俾泯沒庶
於人心風俗或少裨益云作孝義志

宋

許儉 字幼度邑人朱文公門人儉不畜私
財不匿私器三世不分異庭無間言丞相鄭性
之嘗大書孝友二字匾其堂林羽為記記載藝

文

許玠 字君錫礪之子也父卒鞠於外家六歲哭其叔父如成人既長從黃幹學平居退然恭讓及見義必為則皆人所難者嘗避田數百畝與兄弟之子以成母志鄉人皆美焉

元

許知言 邑人兄逢言弟知白知什知億共五人母病斫夕不離側越三月藥勿效知言乃齋戒籲天割股以進母病遂愈及母卒知言兄弟哀毀踰禮進士許叔度為之立傳

明

詹文珪 邑人字天章號白溪弘治間人少穎異個儻有大志長補弟子員饒學術經濟嘗置義田以周宗族至今稱之
林向榮 字子燦邑人父早世嘉靖末倭掠閩清榮與母避匿賊殺其母榮伏尸且哭且罵賊並殺之榮年二十御史李邦珍旌之

國朝

池六玉 邑人事母朱氏至孝母上唇微缺玉六歲時見飯礪有缺指曰此缺礪何用朱氏怒

臥不起王自塾歸問其父父告之故王即跪床
下俟母回嗔乃起母嘗病王封股以進母獲愈
後又病篤王禱天剖胸取肝食之母病復愈順
治九年旌獎併給頂帶榮身

詹慶陳字祇友母黃氏病廢陳願天願以已壽
益之復割股作糜以進母病尋愈延二十餘年
鄉族爭欲白當事請獎堅辭不允與弟同居歷
四世不分異特稱孝友

許朝均 號和齋為人孝友與弟朝端久已分
爨見其中落復與之同居為其婚娶生子甫三

歲女甫兩月端即死均為養育次兄朝全亦早
世遺子女皆幼亦均為撫養特適當兵寇擾攘
避匿深山均以兢兢一身經理諸孤送死養生
無不周至及諸侄成立復為婚配并析產分給
之特稱不愧友順堂之裔云

詹渭 號願庵邑庠生為人嚴正孝友敦倫
睦族好急人難鰥居五十年義不再娶生平無
二色里黨咸重焉子旭子子拔貢

劉夢鯉 字子叶邑庠生特溪口岸壞修理維
艱有李國才等投欺逆坐踞抽稅往來舟艇悉

受其害鯉與侯邑國學生王言等義氣激發不
避艱險挺身力除寇孽竭貲修葺行旅不因舟
人得以無擾公立碑於縣之南門外碑今存
孫 湛 康熙己酉科舉人湛幼時家被田大
盜貓尾雛眉五等劫掠其父芬趕賊至溪被水
飄流幾於湮沒從者觀望湛冒險赴援時值隆
冬嚴寒因跣足疾至康熙五十年芬臨終撫其
背曰吾記汝赴水時心即不忍言訖而逝湛哀
毀成疾及病篤命製孝衣孝帽盛殮衣既成乃
服孝服扶至父柩前曰此大教也不能終父之

喪幸得早見亡親於地下其他孝養悉無所忝
所生焉

孫 柱 字邑增生雍正十三年奉 文指墾
議叙即用縣丞尚義急公前於雍正九年築義
塚收集無主枯骸一千餘具葬本鄉十二都墓
前地方又陞堂橋為古侯交界通津要道洪水
飄流柱竭力捐砌併募捐本鄉長橋龍津橋計
費六百餘金乾隆五年捐社谷八百石邑令孫
國柱通詳列憲旌獎柱孫芬子也

劉伯鳳 字文儀六都耆民家有餘積年收租

谷悉貯在倉不貨出境凡遇歲歉米價昂貴概減價發糶以惠鄉隣訓子孫以義方子廷高邑廩生乾隆四年捐社谷一百二十石

隱逸

孔子論次伯夷叔齊列之逸民中而太史公作史記亦著有一行傳此皆所謂獨行其志者也夫士君子時時而駕雲龍風虎功烈亦可垂後何必以懿光見高哉雖然鴻飛冥冥弋者何慕其志節誠有足多者校之趨炎逐臭甘心污濁相去又不啻霄壤矣作隱逸志

唐

黃敦 本固始人從王審知入閩授以職不就隱於梅溪益平里之鳳樓山結廬墾田闢園亭藝花木非有道之士不接卒葬後山相傳有虎葬之異其後子孫遂家焉

宋

薛五 邑人隱居名山後不知所往人咸傳其仙去今鄉人即其故居立廟祀之廟在護仁里

許觀 字彥逢邑人生而岐嶷秀外慧中方

童稚日誦千言記五經無一字遺者長遊莆陽
從直講黃先生君俞學初工雕琢未幾革科乃
洞究經術博極群書學成而歸生徒競湊鄉邑
號為儒宗一日慨然將遊賢閣道出淮右淮之
人推重其文行相與駐於新而師事之學者無
慮數百輩居數年念親闈甘旨之奉歸以宣侍
取鄉薦邦而時命不偶及親亡歎曰干祿將以
及親也今奚以為遂不事科舉且將終身焉子
登政和二年莫傳榜進士仕盈川令

明

鄭 昭 字仕賢洪武中有司以孝廉薦辟不
就委棄田廬入山益深有司舍之始歸葺屋壑
田家居助矣賑飢立家塾以訓子弟每風日清
美杖履徜徉觴咏自娛人敬仰之載省志隱逸
傳

列女

女子適人猶臣之遇主幸而白首齊眉夫榮妻
貴此如明良盛世黼黻太平景象不幸而早失
所天孤燈泡影此則板蕩興歌黍離致慨特矣
若夫激烈從夫甘心殞命則與睢陽信國何異

至於甫待字而全貞未結褵而就義彼其志節皎然又豈可與尋常概論哉嗟呼見危授命之死靡他雖求之鬚眉丈夫中尚不易得而况區區一弱女子耶予故列而次之以俟後之採風者作烈女志

明宋元無考

陳氏 縣學生羅步洲妻

詹氏 縣學生孫汝濂妻

朱氏 謝邦燦妻

許氏 何玉孝妻

何氏 黃元宗妻

池氏 貢生林一舉妻

林氏 許文滄妻

以上傳無考

孫理姑 胞兄毅庵死嫂氏孀守理姑哀痛其兄誓不為婚同嫂寡居五十餘年協力撫孤以嗣宗祀合族至今祭祀莫二十一都平洋毅庵妻名氏無考

余氏 名貞貴十七都吳守忠妻時流盜四起守忠為賊所劫氏以弱質芳姿懼難自保乃

錐目刺耳賊見狀相引而去

余氏 古田余鑰女也適邑人孫珙年十八
即得奇病氏奉氏湯藥始終不怠有子師堯甫
在襁褓珙嘗謂氏曰即不諱若善視孤兒毋殄
我宗祀氏立誓孀守撫孤歷四十六載嘉靖癸
卯有司上其事詔表其閭

國朝

鄭氏 詹允哲妻於歸五載即孀守孤幃家
無担石惟紡織以供衣食上事老姑下撫幼子
皆一身肩任年九十三而卒順治初坊表

吳氏 邑人適永福諸生林若采采歿氏二
十四事翁姑克孝及歿喪盡禮撫孤成立歷
節五十九載乃卒詳省志

劉艾姐 儒士錢學甫妻順治二年氏二十四
歲學甫死未育子嗣未幾叔孀亦寡有子未週
孀欲改適氏遂撫為己子保護成立孝奉姑孀
卒年七十有二里人至今稱之

劉氏 邑人許文炳聘而未娶炳亡氏聞訃
誓不改適往許門承服守節以終其身
吳煥姐 八都洋裡人夫林臣輝身故吳年纔

十九遺腹數月見後園柏樹一株花盛開吳對
妯娌指柏樹而言曰吾未知得嘗此柏否越秋
末其遺腹男不育吳決志殉夫仍復送容就義
奠拜訣訖縊於夫之灵柩前前令鮑耀祖以芳
烈可嘉獎之其烈骨香肌淺埋在本鄉雲頭壠
荒蕪三十餘年雍正二年生員王信敏在其地
設帳稔知美節捐館金八兩砌造墳墓豎牌祭
奠與其族人擇嗣以承其後知縣姚循義詩
林園三月柏花香 娉婦依細柏樹旁 遺孤忽死
心亦死 柏花未實吳先亡 冰姿玉質英何解 秋

風埋在八都洋杜鵑啼盡空山血年復一年墓
草荒淺土無人澆麥飯清明寒食徒淒涼何意
王生發長嘆頓捐館谷為周章墓天負土築高
壘樹碑立嗣人稱揚氏烈生賢而不朽山青水
碧同流芳安得民風盡如此吾梅厚俗成陶唐
王 氏 名蒙姑二十二都曾士徽之妻年二
十四歲士徽身故家貧孀守矢志撫孤苦節積
資營葬翁姑夫年八十六歲卒
陳 氏 庠生石麟女適詹宜之遭賊變宜之
為其所害氏以計脫得潔身時年二十有六立

志苦守五十年如一日

洪唐姐 生員毛焯妻苦節孀守卒年七十歲

周氏 名淑耀幼通書史適邑儒士劉夢熊

早寡事姑克孝撫有三孤晝則紡織夜則課讀

今皆成立子本沛肇沛俱先後遊庠食饑康熙

六十一年奉

旨坊表入節孝祠載省志子本沛肇沛用價四

十兩買民田九畝零克入本祠為祠田每年應

徵租銀四兩四錢有卷毘陵沈鍾詩 天地有

正氣首在敦彝倫臣忠與節婦千古常不泯梅

水清且駛巾幘多完人緇維劄母賢早歲諧朱
陳豈意中道乖連理遭此貞操厲冰霜勁節凌
松筠所重全志節何敢怨艱辛歲寒歷已盡大
造回洪鈞翩翩膝下兒栩栩席上珍九重沛雨
露一朝下恩綸特賜坊與祠照耀梅水濱奕葉
垂不朽俎豆長如新

朱氏 名維良懷遠令慕津孫女幼極聰穎

習書史過目成誦博觀列傳通曉古今年二十

歸於連理能執婦道孝養姑翁未嘗敢以才自

炫姑陳氏極愛重之雖其女紅姿貌超出儕輩

而節儉自持親理家政一切米鹽瑣屑不煩於夫時人比之桓少君云

吳氏 名善使年十八適生員葉有必甫五月有夢故氏誓不独生父母妯娌百計提防卒於次日自經夫側顏色如生怡容可掬規者無不稱歎

陳氏 適許世偉不數年而偉歿時氏有遺腹九月未孕仰天泣曰許氏累世忠厚天若不絕而嗣則男也既而果得一男乃立志撫孤成立子廷馥於康熙五十二年援例入太學

林氏 生員曾興踞妻孝廉林士秀胞妹也氏年二十一歸於曾二十六夫故氏堅守撫孤舅歿姑病瘋卧床褥不起者一十二年皆氏隻身奉侍毫無厭倦尤人所難乾隆二年奉

旨建坊旌表節孝

吳氏 儒士詹士愷妻進士吳浣安婦也年十八於歸甫三載而夫歿氏幾死者再念及祖姑逾八旬一子尚在襁褓立志堅守家極貧惟恃紡績餬口以媳代子以母兼父歷四十餘年無異乾隆三年奉

旨建坊表其閭

陳氏 名谷使適儒童林壁萬於歸甫四載
壁萬故遺孤尚未逾月氏守志不二既隻身以
營舅喪復十年以侍姑病及子致又撫孫林承
正成立則名譽宮上下四世皆氏一人力也乾
隆四年奉

旨建坊表節孝

姚氏 名淑品年十九歸生員林志銳二十
六而夫故遺子一甫七歲氏念上有祖母舅姑
兩世三老待其奉養下有孤雛四代一脈待其

撫字強起苦守克成其志乾隆四年奉

旨坊表進士丁文顯詩

永矢栢舟志芳型千古垂冰霜重梓里孝節達
彤墀女史推賢範金閨奉母儀名門誇舜裔鳳
誥下瑤池

周氏 名靜一年十九適儒士姚榮二十七
夫故氏以一身上奉八旬二老下撫幼稚兩孤
克孝克慈壽八十三孫曾滿前乾隆四年奉

旨旌表給帑建坊

傅氏 名蘭青邑黃居士妻十八即孀守並

未生育撫一子以承夫祀上事翁姑備極孝敬
及致殯奠盡禮年八旬白首如一乾隆二年邑
令孫國柱旌表節孝

葉氏 名坤使中街舖鄭宗生妻也年十八
于歸甫半載即失所天遺腹纔兩月矢志相殉
周親勸解已而育一男葉曰天不絕吾夫嗣吾
當奉姑以撫此子家無斗筲弗計也苦守三十
餘年凡尺布斗粟悉從雙腕寸梭而出經營慘
淡備歷艱辛尤人所難者

詹氏 名淑琰詹廣陳之妹生員黃菊開之

妻也年方及笄母黃氏病篤琰割股奉母母尋
愈

林氏 名惠挺年十八適武生羅大綱孝奉
翁姑克盡婦道甫三載大綱病篤氏祈天請代
典衣飾延醫調治及死叩哀絕食親視棺殮即
於次日送容自縊顏色如生生員林上煥詩
月明蕙帳晚風淒寂寂啼聲斷冷闌多少辜
情渾不顧冰魂長伴古梅溪

盧氏 名端冰儒士林夢陽妻年二十六夢
陽死遺子三長六歲次四歲三尚在抱家徒四

璧氏變賣衣裾簪珥作紡績資日惟西粥米粿
相半備極艱辛撫子成立年六十餘邑令張兆
鳳憐其苦節給扁旌之邑訓導丁奇崑詩貞
心自昔稱姜氏萬載芳名垂四始掀天揭地大
丈夫房帷巾櫛無他技慷慨血烈徒一往從容
就義非易視二十六歲殞厥天志矢靡他惟有
死不忍膝下三孤雛四壁蕭然水相似常時自
謂未亡人績紡織紉勤自理躬親課督讀兼耕
有子橫經而負耒飲水茹荼不辭艱延賓弗惜
罄簪珥清徽豈但埒盧甄陶家湛母差足擬當

今節孝甚欽崇鉅典煌煌膺褒祀胡不見燕門
重獎至今傳爰撫其豈溢美

劉氏許而甫妻未婚夫死過門守節擇嗣
以承夫後躬自炊爨足不踰閭年屆六旬完貞
如一

溫氏名嬌使林維端妻年二十九即寡家
貧如洗惟恃鍼紉女紅度日撫子成立年六十
有二前令給匾旌獎

吳氏名罕姐邑人程孟達妻年二十而寡
遺子甫七月立志苦守康熙二十二年知縣李

麒光給匾旌其門

林氏 名挺使邑人謝家申妻年二十三孀守一孤甫弥月柏舟自矢五十餘年無異志王氏 鄭宣旗年二十八宣死立志撫孤茹荼飲藥卒皆成立年七十餘邑令孫國柱給匾以旌

劉氏 邑人陳龍魁未婚妻也年十九聞龍魁死即親往守節孝事老姑撫育嗣子年七十有五邑令彭俊奇給匾旌其門

林氏 邑儒士杜子統妻內翰林之妹也

子統以篤學成疾青年而殞氏甫二十四歲守節撫孤里人重其貞操

劉氏 儒士盧可坦妻年二十四歲孀居四十八載年七十二卒

劉氏 邑人張爾起之妻年二十三歲爾起病卒遺孤世綱氏撫字成立苦節終身

孫氏 名徽音生負孫苞之女毛于岐妻結褵未久于岐早歿氏年二十五歲誓不獨生特因姑病篤且夫柩未殯勉強終喪服闋為夫營葬不改初心從容就義時乾隆四年十月也宗

族僉三儒學牒縣給匾旌之

陳氏 名璫姑黃允文妻也允文病故氏竭力殯殮後因迫嫁先將女孩二歲赴於火曰此女留之將來不知如何不如赴火以全夫名遂刎死於柩傍教諭林弼親臨祭奠給匾以旌

劉氏 年二十二歲因夫毛右公病故孀居苦節事姑至孝課男涓水勤讀有聲膠庠至七十歲卒

羅氏 名釐姑適毛霖喪氏年二十即孀守一生苦節年七十六餘歲

黃氏 名友姑適吳元生夫故年十九矢志守節撫孤成立營葬翁姑年已六十五

孫氏 名貴姑邑庠生余乘京妻乘京病故氏年二十三歲寡守至老年六十九卒

高氏 名萬姐南崗林思友妻年十九思友故矢志孀守艱苦成家六十八歲卒

江氏 名罕姑邑庠生余道芳妻道芳故氏二十五歲孀居苦守撫孤成立卒年六十有五吳氏 生員盧可任妻年二十九歲而寡矢志柏舟現年六十八歲

黃仲岳妻 氏姓失考

孫氏 名錦玉侯進縣丞孫柱次女年十七

許古田縣候補州同丁騰起第三男儒童丁又

仁尚未結福仁於乾隆六年十一月初九日病

故氏聞訃即遺書於姐從容自縊附載遺書

十八日妹該十九日死今等不污姐可功官

娘二大人寬心莫苦妹死亦願更願哥嫂兄弟

姐妹諸人和氣孝順以成家道妹今死哀哀托

完知縣姚循義詳請旌表為賦詩以吊之 卓哉

孫氏女烈烈扶綱常一死心如鉄千秋骨有香

鬚眉多抱愧中咽独流芳伯看恩綸下重泉荷

表揚知縣侯海詩聞說娥眉砥節奇於歸却在

死歸時独憐化鶴魂難返偏幸駉鸞去未遲鏡

破忍看花並蒂穴同窠長樹連枝慰親留詩遺

笺在墨瀟凝成五色芝昆陵沈鍾詩遺笺成永

訣和淚達双鱼鄭重辭親意叮嚀別姐書寸心

良已定一死更無餘絕筆垂青史鬚眉信不如

黃門張氏 乃鶴汀坑橋頭黃蘭枝之妻年纔

弱冠夫亡無子誓不欲生夫殯殮後即送容就

義其節烈誠不可泯沒也特誌之以俟將來請

旌

林氏 邑儒士吳師尊之妻年二十七歲夫
亡子幼矢志孀守孝養翁姑孫懋勳入泮特請
旌於吳學憲給獎節志堅貞四字匾音以榮
其身氏年七十六而歿

陳氏 邑例貢生吳懋昭之妻年二十七
歲夫亡未育誓不欲生奈夫姪幼失怙恃氏
撫姪猶子竊幸成立光緒庚子禮部題請奉
旨建坊入祠其坊暨於官塘山麓邑文泉山長
薛裕昆作傳並贊云十室之邑勁草沅芳懿
哉貞節景仰龍岡栢舟苦志溯慕共姜撫侄

成人繼祀茲嘗含飴繞膝德音不忘躬逢盛典
入祠建坊志清澗水節高官塘里湖式型宗乘
有光年越古稀俾壽而康千秋同替俎豆馨香
氏年七十有六而歿艱苦成家閨里榮之

吳氏 名鳳姐錢長坦妻也夫歿遺育女誓
不欲生絕粒數日而歿年二十有二邑貢生歸
化教諭劉英鋒為之立傳永陽鄢乘龍吊之以
詩云 貞節最難語梅溪足慰舉即今相後先
有張沒有舉許俱是未婚人直往莫能禦一則
事舅姑一則求死所坊表已巍然姓字自眾著

嗟有已婚人矢志更堪與于歸纔一週夫死身
孀處期時養遺孤那知命中阻因之決殉夫不
肯食一黍今春二月間奄奄長逝去欲知此為
誰靈坑吳氏女他年史乘中張許吳同叙
鄔氏 鶴汀陳齊良之妻年二十五歲夫歿
孀守孝養翁姑行年六十光緒丁酉禮部題請
奉

旨建坊入祠

錢氏 邑儒士吳弼元之妻行年二十四歲
厥所夫立志孀守孝養翁姑光緒二十五年已

亥蒙禮部題請奉

旨建坊入祠

吳門許氏 乃吳師廣之妻年二十三歲夫歿
孀守奉姑撫子待孫入泮請旌當道給以茹荼
苦節四字匾音歿年七十餘歲

陳張氏 邑鶴汀陳國楨之妻年二十四而寡
夫歿孝養翁姑訓子孫課孫光緒甲辰年福建
學政秦綬章給以銜操水心四字匾音榮耀千
古

陳黃氏 邑鶴汀故儒士陳作賢之妻年二十

歲而寡未育男子擇立夫弟之子景福為嗣至
嗣男成名於同治壬戌年福建學政厲恩官給
以中悃完人四字匾旌之

仙釋

昔韓昌黎一生闢佛而喜與浮屠文暢遊及送
廖道士歸衡山又嘗為之序無他亦以其人有
可取耳今吾梅如宋之真人白玉蟾去吾儒不
遠設昌黎而在未有不與之遊而為之序者烏
得以方外目之遂略而弗論乎故叙列之如左
作仙釋志

漢

徐登 邑人本牧兒飯牛山椒一日聞樂聲
出林抄緣崖造覘至則有二人奕棋棋立良久

遺徐一棋子叱令歸歸即精解手談時碎瓦器
為子布地作局縱遊崖上往往與二人過遂得
修行燒煉訣有趙真君炳不遠千里訪之以所
得秘密與之參契徐喜酌酒飲草廬中特霜月
草木凋空徐曰承遠訪無以為樂以餘瀝一噴
頃刻林花遍開後功行成遂於名山寺上昇鄉
人立徐趙二真君祠祀之每遇旱蝗禱無不應
詳見宋張世南高蓋山記

趙炳 浙之東陽人後與徐真君同上昇詳
見徐登傳又按省志稱徐能禁水為不流趙能
噴酒着樹輒成花与前傳互異姑並載於此以
俟後人考核

唐

楊真人 邑人嘗修真於台山後即此於此上
昇鄉人築台祀之

宋

白玉蟾 字白叟號瓊瑤本姓葛名長庚邑人
母氏夢食一物如蟾蜍而分娩時大父有異董
教瓊州真人實生於瓊紹熙甲寅三月十五日
也祖父繼亡母氏他適因改姓白真人天姿聰

敏繫齡時能詩賦背誦九經十歲來廣城應童子科主司命賦織機詩即應聲詠曰大地山河作織機百花如錦柳如絲虛空白外做一匹日月雙梭天外飛遇泥丸真人陳翠虛携入羅浮未幾遍遊名山於黎母山中遇神人授以洞玄雷法能呼召雷雨鹹攝精魔開禳雨寅冬又師事翠虛於羅浮學其太乙刀圭之妙九鼎金丹之書長生久視之道紫霄嘯命風霆之文出入有無飛昇沈顯之術嘉定癸酉翠虛假水解於臨瀆復出於武夷悉受諸玄秘真人蓋九年之

間盡得其旨乃披髮佯狂遊於海上号曰瓊子一号瓊小道人一号嶺庵一号武夷散人一号神霄散吏一号紫清真人自謂同紫元紫華真人乃紫清也三人乃紫微垣中九皇星之三星也因悟校劫運之錄降人間十世九章奏則曰金闕玉皇門下選仙舉人臣白玉蟾真人自游道之後蔬腸絕粒喜飲酒不見其大醉大字草書視之若龍蛇飛動兼善篆隸尤妙梅竹而不輕作自寫其容數筆立就工畫者不能及自讚云神府雷霆吏瓊山白玉蟾本來真面目水墨

寫霜練乙亥冬武夷詹氏之居火光墜其家延
真人拜章以禳之而大書一符於中庭是夕聞
戶外萬馬聲有呼云火殃已移於延平某人之
家驗之果然信慕益眾特言休咎驚動輿俗人
有疾苦或草或木或土或炭隨所請予之餌者
輒愈丙子春過江東憩龍虎山先是宮主王南
玘感夢甚異夙興而真人至上清籙纔一閱記
誦無遺至於符篆亦不少差歲旱諸利汎誦木
即呪弗應真人乃為改正誦之果雨人疑為張
虛靜後身戊寅春遊西山適降御香建醮於玉

隆宮真人避之使者督宮門力挽真人回為國
陛座觀者如堵又邀真人詣九宮山瑞慶宮主
國顯神龍見于天具奏以聞有旨見真人遁而
去天子賜以養素之褒笑而不受己卯自洪都
入浙訪豫王僧孤雲率諸僧來迎以真人博極
群書貫通三氏昔究禪樾欲求其為僧以光叢
林裂衣鉢物備具真人笑曰吾中國人也生
於中國則行中國之道理也若以夏變夷背天
叛道吾不忍也禪宗一法吾嘗得之矣是修靜
定之功為積陰之魄以死為樂涅槃經所謂生

滅滅矣寂滅為樂是也吾中國之道也是煉純
陽之真精飛昇就天超天地以獨存以生為樂
也故曰本乎天者親上本乎地者親下夷夏之
道有所不同道不同不相為謀也孤雲奇其言
亦從事於道焉於是釋氏而求詩文者踵門如
市真人舟常過鄱陽湖篙師值日暮議泊真人
剪紙月嘘于檣端皎然達旦而舟行無阻又常
迨舟西湖出沒既顯變化莫測壬午孟夏伏闕
言天下事沮不得達因醉執逮京月一宿乃釋
既而臣僚上言真人左道惑眾群常數百人叔

監丞坐是詩祠十月真人至臨江軍慧月寺之
江月亭飲酣袖出一詩興諸從游談未及展玩
已躍身江流中諸從游疾呼舟人援溺真人出
水面探手止之而沒洪都之人皆謂已水解矣
是月又見於融州老君洞由是度桂嶺返三山
復歸於羅浮紹定己丑冬或傳真人解化於好
江真人嘗有詩云待我年當三十六青雲白鶴
是歸期以歲計之似若相符逾年人皆於隴蜀
又未嘗有死競莫知所終按尹子曰十年死者
十年得道是得道之速也百年死者歷久得道

之晚也死者煉就純陽之真精消盡積陰之渣滓故棺壙而無屍復見於他邦出入天表與神俱遊是謂長生久視無死無生與天地為一也今真人九年道成而仙去是得道之速也

張聖君 本永福農家子在邑白雲寺為頭陀貌絕醜一日採薪山中遇異人嗽以苦桃又飲以瓢中水自此絕粒素不知書忽援筆能作字言人休咎多奇中後於演溪中大石上坐化鄉人祀之聖君神異甚多詳載古蹟

黃天谷 邑人相傳嘗訪徐葛二子於度仙橋

後即於此仙去今六都有廟祀黃法真即天谷也

鶴廳池法師 邑人素精法術成化八年五月初四日在鳳坂地方禱雨致龍雨驟至平地水高三十丈詳見祥異

